



Imigassat aalakoornartortalit kimittuut sumiiffiit ilaanni matoqqatinneqarnerat pillugu apeqquteqaat aallaavigalugu oqallinnissamik siunnersuut

(Inatsisartunut ilaasortaq Knud Mathiassen, Attaviiitsoq)

Qujanaq Inatsisartunut ilaasortaq Knud Mathiassen siunnersuummut.

Demokraatini isumaqarpugut, kikkut tamarmik assigiimmik periarfissaqassasut aammalu kikkut tamarmik assigiinnik pisinnaatitaaffeqassasut. Assigiinngisitsineq isumaqatiginngilarput. Isumaqatiginngilluinnarparputtaq, pisortat oqartussaasuisa inuit inersimasut namminneq inuunerminnut aalajangiinissaannut akuliussornissaat.

Taamaattumik uparuartariaqarparput, maani nunatsinni imigassartorneq ukiuni arlalippassuarni appariartorsimammat. Tamanna ajunngilaq. Ajoqutissaqanngilluinnarpormi immiaaqqamik, viinnimik immiartorfimmuut imaluunniit Gin & Tonic ilaanneeriarluni najorsilaarsinnaaneq. Uanili soorlu imaattoq, pingaartumik IA-p inersimasut inuunerat akuliuffiginiarsarigaat. Tamatta eqqaamajunnarsivarput, pisiniarfanni saajulersullaratta. Tamatta eqqaamassavarput, inuusuttut 18-nit inorlugit ukiullit kaffisorniartarfanni nal. 20 kingorna Cafe Latte-toqqusaajunnaarnerat. Tamattalu aamma eqqaamassavarput, maannakkut Peqqissutsimut Naalakkersuisuusup suliniutinut nammineersinnaassusiagaanermut siuttuusimanera. Qujanartumik tamanna Demokraatiit allanngortipparput, killilersuinerillu sakkortoorujussuit suliniuteqarnitsigut utertinneqarlutik.

Ajoraluartumik uani siunnersuummi, ajornartorsiut assigusoq uparuarneqarpoq. Oqartussaasunit illoqarfiit tamakkiisut ataatsimoorussamik pillarnissaat toqqarneqarpoq, ataasiakkaat, ajornartorsiummik aqutsisinnaaninnerat pissutigalugu. Isumaqatigaarput, ilaqutariit meeqqallu nallinnartut, angajoqqaq imaluunniit angajoqqaat ullut tamaasa aalakoorpata. Qularutigilluinnarparpulli, aaqqiissut unaassasoq, kikkut tamarmik imigassamik aalakoornartortalinnik imernissaat inerteqqutaappat. Siullermik viinnimik immiaaqqanillu imerluni aalakuukuttoortoqarsinnaavoq appaattullu, immaqa allarluinnartigut suliniuteqartoqarsinnaagaluarluni, angajoqqaat imaimertigippata, meeqqaminnik sumiginnaallutik.

Tamanut, isumaqartunut, piffiit ilaanni imigassamik aalakoornartulimmik tuniniaaneq sassaalliinerlu inerteqqutigineqassasut oqassaaga, piffinni tamani angajoqqaqarmat, imerpallaartunik. Isumaqanngilarli, piffinni tamani imigassamik tuniniaaneq sassaalliinerlu matussagipput. Taamaattumik kukkusumik assigiinngisitsinertut taasariaqarpoq, oqartussaasut tungaanniit piffinni aalajangersimasuni imigassamik aalakoornartulimmik tuniniaaneq sassaalliinerlu matuissorneqassappat.

Tassalu Demokraatit oqallinnermut isummersuutaat.